



МОЛИТВЫ О ВОИНАХ

**По благословению
архиепископа Якутского и Ленского Романа**

***Тексты молитв для домашнего чтения
утверждены на заседании Священного Синода
29 декабря 2022 года (журнал № 131)***

Молітва ко Пресвятэй Богорóдице о во́инех, на по́ле бра́ни су́щих

Пресвята́я Богорóдице, те́плая на́ша Засту́пнице
и спасе́ние всем, призыва́ющим Тя! Не імамы
и́ныя по́мощи, ра́зве Тебе́, Влады́чице, Ты бо еси́
еди́на наде́жда и упова́ние на́ше. Не прэ́зри слез
на́ших и не отри́ни усер́дных моле́ний, но спаси́
от сме́рти и от бед сохрани́ во́инов на́ших
[імярек], на по́ли бра́ни су́щих. Укрепі их дух,
утверди́ в за́поведех Сы́на Твоего́, умно́жи в них
ве́ру, просвети́ ум, даждь му́жество во бра́нех,
да, непоро́чно испо́лнивше ра́тное служе́ние,
це́ли и невреди́ми возвратя́тся в до́мы своя́
и просла́вят пресвято́е імя Отца́, и Сы́на,
и Свята́го Ду́ха, и Твое́ ми́лостивное
заступле́ние. Амінь.

Молітва ма́тере ко Пресвятэй Богорóдице о во́ине, на по́ле бра́ни су́щем

К кому́ возопию́, Влады́чице, кому́ пове́м скорбь
се́рдца моего́, а́ще не Тебе́, Цари́це
Милосе́рдая? Душа́ моя́ смяте́ся, и уны́ дух мой,
но ско́ро услы́ши моли́тву мою́, ве́ру укрепі,
терпе́нием огради́ и благо́ю наде́ждою оживи́.
Пресвята́я Богорóдице, Де́во Чи́стая! Заступи́,
сохрани́, покрый ми́лостию Твое́ю ча́до мое́,
во́ина [імярек], на по́ли бра́ни су́щаго, утверди́
его́ в ве́ре істинней, огради́ от зло́бы враго́в
ви́димых и неви́димых, сохрани́ его́ це́ла

и невредіма, подаждь сілу ратное своё
служёние, яко крест, безпорочно понести и паки
его́ в дом отчий возврати́. **Ами́нь.**

Моли́тва ко Го́споду на́шему Иису́су Христу́ о во́ине, на по́ле бра́ни ура́ненном

Го́споди, Иису́се Христé Бо́же наш, моли́твами
Всепречи́стыя Влады́чицы на́шей Богоро́дицы
и Присноде́вы Мари́и, сілою Честна́го
и Животворя́щаго Креста́, предста́тельством
честны́х Небе́сных Сил безплóтных, святы́х
врачéй и целі́телей: апо́стола и евангели́ста
Луки́, святы́х чудотво́рцев и безсребре́ников
Ки́ра и Иоа́нна, Космы́ и Дамиа́на, свята́го
великому́ченика Пантелеі́мона и учи́теля его́
Ермола́я, преподо́бнаго Ага́пита Пече́рскаго,
святі́теля земли́ Кры́мския и испове́дника Луки́,
исцели́ во́ина Твоего́ **[імярек]**, на по́ли бра́ни
ра́нами уязвленнаго, утёши его́ наде́ждою на Тя
и ве́рою правосла́вною укрепи́. Услы́ши, Го́споди
Човеколю́бче, воздыха́ния сро́дник его́. Да,
воста́в от одра́ болéзни, послу́жит и порабо́тает
Тебе́ до сконча́ния жи́зни своея́ и просла́вит Тя,
исцеля́ющаго и врачу́ющаго вся, со Отце́м и
Святы́м Ду́хом. **Ами́нь.**

Моли́тва ма́тере ко Пресвяте́й Богоро́дице о исцелёнии во́ина, на по́ле бра́ни ура́ненного

К кому́ возопию́, Влады́чице? К кому́ прибёгну
в го́рести мое́й, а́ще не к Тебе́, Цари́це
Небе́сная? Кто плач мой слёзный и воздыха́ние
моё прии́мет, а́ще не Ты, Ма́ти Бо́жия,
Засту́пнице и прибёжище во всех беда́х нам
гре́шным? Услы́ши вопль мой, Всеми́лосе́рдая
Целі́тельнице, я́ко умно́жишася ско́рби се́рдца
моего́, и яви́ ми́лость Свою́ на одре́ боле́зни
возлежа́щему и ра́ною уязвленному, ча́ду моему́
во́ину [и́мярек], исцели́ его́ тяжкия́ душе́вныя
и теле́сныя боле́зни, и воздви́гни от одра́
не́мощи це́ла и всесовершенство́на, да воспева́ет
Твое́ тёплое заступле́ние. **Ами́нь.**

Моли́тва ма́тере [сро́дников] ко Пресвяте́й Богоро́дице о избавле́нии во́инов, в пленёнии су́щих

О Всепе́тая Богоро́дице, всех скорбя́щих
Ра́досте и оби́димых Засту́пнице! Услы́ши
моли́тву мою́, проше́ния моего́ не отри́ни
и поми́луй ча́до моё [отца́ моего́, му́жа моего́],
во́ина [и́мярек] в пленёнии су́щаго! Сохрани́ его́
це́ла и невре́дима, оградí его́ от зло́бы
плени́вших его́ и не даждь ему́ уби́ену бы́ти
от рук их, ве́ру и́стинную в нем укрепí и ско́ро
тяжкаго пленёния изба́ви, да в ра́зуме воспева́ет
Тя, Цари́це Небе́сная, и Сы́на Твоего́, Го́спода

нашего Иисуса Христа, со Безначальным Его Отцем, и Пресвятым и Благим и Животворящим Его Духом, во веки веков. **Аминь.**

**Молитва ко святым о избавлении воинов
[воина], в пленении сущих [сущаго]**

Преблагеннии и богоноснии избранницы Христовы: многосветлая звездó, Крестителю и Предтече Спасов Иоáнне; святителю предивный и милостивый, великий чудотворче Никóлае; святы́й великомучениче и скорый плененных свободителю, Победоносче Геóргие; великая в женах Анастасіе Узорешительнице и вси святіи! Móлим вас мы недостóйнии: укрепіте воинов [воина] **[імярек]**, в пленении сущих [сущаго], от уз вражиих их [его́] изба́вите, всякаго злаго обстоя́ния свободите и на спасения стезі напра́вите, да, в до́мы своя возвраті́вшеся, просла́вят [в дом свой возвраті́вша, просла́вит] Истиннаго Бо́га, Отца́, и Сы́на, и Свята́го Ду́ха, и ва́ше милостивое предста́тельство, во веки веков. **Аминь.**

Моли́тва ко Пресвяте́й Богоро́дице о во́инех, без ве́сти пропа́вших

О Всесвята́я Влады́чице Богоро́дице, Взыска́ние
поги́бших, стра́нных Пита́тельница
и заблуж́дших Путево́дительнице! Во́ина
[и́мярек], о нёмже не и́мамы извеще́ния, покрый
честны́м Твои́м омофо́ром, сохрани́ от всех
напа́стей вра́жиих, изба́ви плене́ния и лю́тыя
сме́рти, от отча́яния огради́, да с благодаре́нием
и любóвию воспева́ет Твое́ тёплое заступле́ние.
Ами́нь.



ЯКУТСКАЯ
ЕПАРХИЯ